



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

De euangelio Marci. Cap. XXIII.

urn:nbn:de:hbz:466:1-29805

RERVM MEMO. LIB. II.

ADVENTVS PETRI IN VR-

bem Romam. Cap. XXI.

Continuo namq; in ipsis Claudij temporibus, p
diuinam prouidentiam Petrus apostolus fun-
data prius Antiochię ecclesia, ad urbem Romā
cum honore deducitur, afferens secum de oriētis par-
tibus, vt cęlestis quidam negotiator diuini luminis
mercimonia, si quis sit cōparare paratus, Cuius ma-
gnifica autoritate statim clarum vrbi dei lumen ori-
tur, & Simonis fraus cum suo autore extinguitur.

HAYMO: Tantam igitur prædicādi habet grati-
am, vt vniuersorum mentes placido illustrans sermo-
ne traxerit, Christi nomen in capite regnorum cele-
bre fecerit in breui, & hoc quidem pulchre diuina dis-
positione actum est, vt ibi tāto gloriosius titulus sal-
uatoris erigeretur, quanto cōtumeliosius in initio filii
dei spretus, ibidem à Romanis fuerat ipse saluator.

COMMENDATIO PHILO-

nis & conuersio.

Caput XXII.

EO tempore Philo Hebræorū scriptor, de quo
supra memorauimus, subtilissimus, in sensib⁹,
profundus, & affluentissimus eloquentia, co-
piose inueniens, & copiosius eloquens, Petro aposto-
lo prædicanti adhæret. Qui deniq; nobis in multis li-
bris ingenij monimenta reliquit.

DE EVANGELIO SECVN-

dum Marcum.

Caput. XXIII.

B ij

HAYMO DE CHRISTIA.

TVnc Marcus scribit euangelium hac occasione: Cum sola Petri auditio nō sufficeret magna eū audientibus auiditate, magnis precibus rogant Marcum discipulum eius, vt prædicationem scripto cōmendaret memoriæ. Clemens in vi. dispositionū libro: Petrus vero vt religioso se spoliatum comperit furto, delectatus est, factumq; confirmavit in perpetuo, legendum ecclesijs tradit. Postmodum vero Marcus hoc idem euangelium apud Aegyptum missus à Petro prædicat, & primus apud Alexandriam leuatur in episcopum, vbi multos lucratur populos, magnæ sobrietatis & continentiae exemplo. Interea Paulo apostolo ab Hierusalem in circuitu, & vsq; ad Illyricum prædicante, Claudius imperator Iudæos tumultuantes vrbe depellit. Tunc Aquila & Priscilla cū cæteris expulsis, veniūt in Asiam, ibiq; cohæret Apostolo, ecclesiæ fundamenta iacenti.

IOSEPHVS, QVAE IVDÆIS is acciderunt mala. Cap. XXIII.

TVnc vero Agrippa apud Hierosolymā regnante, procuratore vero prouinciæ Felice, Claudio adhuc in imperio perdurante, tanta Iudæis accidit mala, vt ipso die Paschæ seditiōe exorta, de his solis qui in foribus ecclesiæ constipatione populi mortui sunt, triginta milia computentur, vbi & Ionathas pontifex interficitur. Ea tempestate Aegyptius quidam magus & arte magica simulās se esse prophetā, ex omni parte congregans Iudæos, promittens eis libertatem antiquam & liberationem ciuitatis suæ, eorum auxilio fretus per desertum venit vsq; ad montē